



JUDICIAL SYSTEM MONITORING PROGRAMME  
PROGRAMA MONITORIZASAUN BA SISTEMA JUDISIÁRIU

**Komunikadu Imprensa**  
**Parlamentu Nasionál**  
**19 Novembru 2015**

**JSMP apresia deputadu Komisaun A Parlamentu Nasionál fó importansia ba relatóriu JSMP hodi konvense ho governu**

Iha 17 Novembru 2015, Komisaun A Parlamentu Nasionál (PN) ho Ministériu Justisa hala'ó audénsia publiku kona-ba progresu ezekusaun orsamentu estadu ba tinan 2015 no planu programa ba proposta orsamentu jerál Ministériu Justisa ba tinan 2016.

Durante audénsia deputadu Joaquim dos Santos apresenta mós rekomendasaun JSMP nian hosi relatóriu ida ne'ebé JSMP produz iha inisiu tinan 2014 kona-ba kestaun Bem-estar ba autór judisiáriu no kapasidade instituisaun legál sira. Relatóriu ne'e deskobre katak instituisaun judisiáriu la hetan facilidades no kondisaun servisu adekuaudu no tanba ne'e afeita ba produtividade servisu autór judisiáriu sira nian atu fornese justisa ba publiku.

Aleinde ne'e, relatóriu ne'e dekabre kona-ba lamentasaun autór judisiáriu sira kona-ba kestaun remunerasaun. Iha persepsaun ne'ebé mak mosu entre autór judisiál sira katak remunerasaun ne'ebé oferese ba sira nia servisu ne'e equilíbru nune'e halo sira sente la-satisfatóriu (*tidak memuaskan*). Tribunál sira ne'e nu'udar orgaun soberanu hanesan regula iha artigu 118 Konstituisaun RDTL, maske nune'e sira hetan tratamentu ne'ebé diferente liu kompara ho orgaun soberanu sira seluk.

Hatan ba kestaun ne'e, Ministériu Justisa informa katak tribunál hanesan orgaun independenti no sira rasik mak tenki jere diak sira nia instituisaun. Enkuantu JSMP hanesan parseria importante Ministériu Justisa nian durante ne'e, sempre iha kolaborasaun diak no sira sempre produs relatóriu barak kada tinan. Relatóriu hirak ne'e pertenenti tebes atu kontribui hadia ita nia instituisaun judisiáriu Timor Leste tanbá ne'e prezensa JSMP nian importante tebes.

“JSMP apresia tebes ho deputadu sira nia preukupasaun ba problema ne'ebé JSMP deskobre iha ita nia instituisaun judisiáriu sira hodi buka opsau alternativa apropiadu atu hadiak liutan ita nia setór justisa iha futuru,” dehan Diretór Ezekutivu JSMP, Luis de Oliveira Sampaio.

Rua setubal, Colmera, Dili Timor Leste

PoBox: 275

Telefone: 3323883 |77295795

[info@jsmp.minihub.org](mailto:info@jsmp.minihub.org)

[www.jsmp.tl](http://www.jsmp.tl)

Facebook: [www.facebook.com/timorleste.jsmp](https://www.facebook.com/timorleste.jsmp)

Twitter: @JSMPtl

Iha audénsia ne'e, JSMP mós nota katak Defensór Públiku ható'o mós sira nia preukupasaun kona-ba facilidade servisu ne'ebé la sufisienti atu fasilita servisu funsionáriu defensor sira iha distritu rua ne'ebé sei establese iha tinan oin mai. Tanba ne'e, husu atu ható'o proposta adisionál ba sosa ekipamentus servisu no motorizada ba distritu rua ne'e inklui mós Distritu Suai.

Proposta orsamentu Ministériu Justisa nian ba tinan 2016 ho kategoria ba saláriu no vensimentu; US\$ 3,189 miliaun, Bens no Servisu; US\$15,226 miliaun, kapital menor US\$ 240 miliaun, kapital desenvolvimento; US\$ 515 miliaun, nune'e totál despezas hamutuk US\$ 19,170 miliaun. Husi orsamentu ne'e inklui mós orsamentu Defensor Públiku nian ho total despezas US\$1,300 miliaun.

Atu hetan informasaun kle'an liu tan favor kontaktu:

Luis de Oliveira Sampaio  
Diretór Ezekutivu JSMP  
Email : [luis@jsmp.minihub.org](mailto:luis@jsmp.minihub.org)